

Thali Bharke Lai Re Khichado | By Mukesh Bagda

कर्मा बेटी जाट की थी भोली नादान
भगता की पात राख ली म्हारा खाटू वाला श्याम

थाली भर कर ल्याई रे खीचड़ो ऊपर घी की बाटकी
जीमो म्हारा श्याम धणी जिमावे बेटी जाट की
जिमावे बेटी जाट की
थाली भर कर ल्याई रे खीचड़ो

बाबो म्हारो गाँव गयो है ना जाने कद आवेलो
ऊके भरोसे बैठो रयो तो भूखो ही रह जावेलो
आज जिमाऊ तन्ने खीचड़ो काल राबड़ी घाट की
जीमो म्हारा श्याम धणी जिमावे बेटी जाट की
जिमावे बेटी जाट की
थाली भर कर ल्याई रे खीचड़ो

बार बार मंदिर ने जुड़ती बार बार मैं खोलती
कैया कोणी जीमे रे मोहन करड़ी करड़ी बोलती
तू जीमे तो जद मैं जीमु मानु ना कोई लाटकी
जीमो म्हारा श्याम धणी जिमावे बेटी जाट की
जिमावे बेटी जाट की
थाली भर कर ल्याई रे खीचड़ो

पर्दो भूल गई सांवरिया पर्दो फेर लगायो जी
घावलिये की ओट बैठ कर श्याम खीचड़ो खायो जी
भोला भाला भगता सु सांवरिया कैया आटकी
जीमो म्हारा श्याम धणी जिमावे बेटी जाट की
जिमावे बेटी जाट की
थाली भर कर ल्याई रे खीचड़ो

भक्ति हो तो कर्मा जैसी सांवरियो घर आवेलो
सोहन लाल लोहाकार प्रभु का हर्ष हर्ष गुण जावेलो
सांचो प्रेम प्रभु से हो तो मूरत बोले काट की
जीमो म्हारा श्याम धणी जिमावे बेटी जाट की
जिमावे बेटी जाट की
थाली भर कर ल्याई रे खीचड़ो

<https://bhaktivandana.com/lyrics/thali-bharke-lai-re-khichado-by-mukesh-bagda/>